


隸釋




漢書門	
二四七	類
一八九	函
一八	冊

內閣文庫	
二四七	漢
一八九	書
一八	架冊號類

內閣文庫	
番號	漢 2478
冊數	18 (10)
函號	297 114

十三十四





隸釋卷第十三

淺草文庫

雒陽令王稚子闕二 交趾都尉沈君神道二

益州太守高頤闕二 幽州刺史馮煥神道

馮煥殘碑 并陰 鉅鹿太守金君闕

益州太守楊宗墓道 清河相張君墓道

不其令董恢闕 緜竹令王君神道

江原長進德碣 上庸長司馬孟臺神道

高直闕 處士金恭闕

金恭碑 韋氏神道

張賓公妻穿中二柱文

雒陽令王稚子二闕

漢故先靈侍御史河內緄令王君稚子闕

漢故兗州刺史雒陽令王君稚子之闕

右雒陽令王稚子二闕王君名渙其字稚子廣漢

鄆人也東漢循吏有列傳渙舉茂材歷溫令兗州

刺史侍御史洛陽令以和帝元興元年卒今成都

新都縣有渙墓此墓前之雙石闕也其上各刻車

馬之狀一則二人乘馬一則二人乘車見於隸釋

惟馮煥高頤金恭三人有闕又有碑趙氏云本傳

稚子嘗為溫令而碑作河內令乃史之誤其說非

也溫者河內之邑河內是郡名無令也碑云河內

縣令者以郡為尊蓋謂河內之縣令爾即溫也先

靈之稱它碑所無碑中縣字反系作緄

交阯都尉沈君二神道

漢謁者北屯司馬左都候沈府君神道

漢新豐令交阯都尉沈府君神道

右交阯都尉沈君二神道今在梁山軍其上各刻

朱雀其形相向知此蓋是一人猶王稚子闕畫書其所歷官也其下又刻龜蛇虎首所畫甚工此字及馮煥王稚子闕皆是八分書張懷瓘所謂作威投戟騰氣揚波者也

益州太守高頤二闕

漢故益州太守武陰令上計史舉孝廉諸部從事高頤字貫方

漢故益州太守陰平都尉武陽令北府丞舉孝廉高

府君字貫

缺一字

右益州太守高頤二闕今在雅州高頤字貫方有墓碑載其歷北部府丞廣漢屬國都尉益州太守以獻帝建安十四年卒碑石淪碎官不盡見此兩闕一有高君名字一不稱名而字闕其一予所見六十年前石刻貫字之旁刻云缺一字近世所見乃有以光字補之者此一闕雖無頤之名而陰平北府皆見之碑誌可據則兩者皆高頤之闕也漢志緣邊屬國無陰平惟廣漢有陰平道前書注陰平云北部都尉治墓闕所以書廣漢為陰平者指

其理所也

幽州刺史馮煥神道

故尚書侍郎河南京令豫州幽州刺史馮使君神道
右幽州刺史馮煥神道今在渠州馮緄傳云父煥
安帝時為幽州刺史建光元年卒隸釋有元初六
年賜豫州刺史馮煥詔煥之殘碑有郎中尚書侍
五字惟京令無所見也

馮煥殘碑

君諱煥字平侯下缺廉除郎中尚書侍下缺遷豫州刺史

郵別

下缺

以北鮮卑畔送

下缺

史英書嘉嘆賜錢

下缺

守以

永寧二年四

下缺

右馮煥殘碑三十九字其云北鮮卑叛逆則元初
六年詔除幽州時事也其云策書嘉嘆賜錢者馮
緄傳載煥死於獄中帝愍之賜錢十萬當是此事
也未有永寧二年四字蓋其卒之年月也帝紀書
建光元年正月幽州刺史馮煥率十二郡太守討
高句驪穢貊不克四月遼東都尉龐奮承偽璽書
殺元菟太守姚光緄傳云煥為幽州刺史疾忌姦

惡元菟太守姚光亦失人和建光元年怨者詐作
璽書賜煥光以歐刀下遼東龐奮行刑奮即斬光
收煥煥疑詔有異上書自訟病死獄中建光之元
即永寧二年是歲七月改元煥以四月終故碑尚
用舊年也碑字雖無幾而皆與史合

馮煥殘碑陰

^上曹史 ^{缺六}衡賊曹令史汝南 ^缺表德官兵曹令史

河內樊晏世寧兵曹令史漢中祝颺孔達士曹令史

穎川闕揚武節集曹令史北海孫登元叙 ^{缺三}下 ^{缺六}

字漢 ^缺戶曹史汝南 ^{缺三}臺客曹史汝南過噉子讓

外兵曹史陳國丁武妙生帳下司馬陳國陳景伯載

武蜀司馬汝南程旻季劉

右馮煥殘碑陰諸曹史及帳下司馬武剛司馬十

餘人其間有貫穎川汝南陳國者皆豫州舊部也

過即過字蜀即剛字噉即謙字西漢太玄皆有之

鉅鹿太守金君闕

鉅鹿太守金君闕

右鉅鹿太守金君闕七字今在蜀道不知其人也

益州太守楊宗墓道

漢故益州太守楊府君諱宗字德仲墓道

右益州太守楊宗墓道十六大字今在西州

清河相張君墓道

清河相弘農太守張君墓下缺一字

右清河相張君墓道一碑甚大其中但存此數字

惟河相弘農君五字點畫具爾漢人用字有假借

者有通用者有奇古者有變易偏旁及減省者隸

釋皆已表出其間點畫小異尋文而可識者皆不

復釋如此碑農上安西之類是也顏之推論揖下

無耳鼓外設皮離則配禹臯分澤外咸以世俗為

非今隸字皆然蓋各是一家之書不可拘以古法

也其詳已類之隸韻略舉數字于此平聲則牢牢字

靈靈通濡濡遷遷上聲則響響覽覽秉秉啓啓

典典去聲則據據裔裔孟孟驗驗舜舜入聲則術

術術屬屬隲隲慙慙壹壹凡魏字山皆在下魏字却

有山在上者惟字皆从心獨尚書从系爾

不其令董恢闕

漢故不其令董君闕

右不其令董君闕碑錄云濟州任城有童恢墓雙石闕字一云童恢琅邪人一云漢故不其令童君東漢循吏有童恢傳注云謝承書作僮種兩姓異同史氏固有所疑矣初未嘗見此闕遂以董為童與宗均相類當以碑為正前書地里志不其屬琅邪注云其音基范史王景傳云八世祖琅邪不其人郡國志東萊郡有不期侯國故屬琅邪恢宰邑有異政為青州所舉則恢為令時不其已不隸琅

邪矣志作不期誤也傳云恢字漢宗琅邪姑幕人辟公府除不其令舉尤異遷丹陽太守暴疾卒其為令在揚賜罷相之後則恢蓋孝靈時人也但恢嘗守丹陽而闕不書者或是如王稚子之類有兩闕而互見之歟此闕刻一冢冢上三物植立若木葉然二男子拜于前其後有一婦人二稚子又有六婦人魚貫于後冢旁有一大樹其下有一馬立於木下及馬後者各一人馬前有數物如雞鶩之狀者

縣竹令王君神道

廣漢縣竹令王君神道

右縣竹令王君神道九字微雜篆體縣字作曰下木略與縣字相混故趙氏誤作廣漢縣令而謂其借苓為令也歐陽公博收並蓄顧弗深考姓名字畫多有誤讀者德父治郡之餘專意金石刻辨證亦甚精確獨此碑為可笑爾

江原長進德碣

君諱就字進德故蜀郡江原長延熹三年互缺孟彦

造作

右江原長碣有名字而不知其姓似闕非闕似碑非碑其文由左而右其下刻一怪獸之首若虎而有角碑在今蜀州江原縣

上庸長司馬孟臺神道

故上庸長司馬君孟臺神道

右上庸長司馬孟臺神道石文皴剝而字札甚精漢人所作墓闕神道者第欲表封陌限樵牧爾非若鐫過實之辭有意乎欺誑來世也

高直闕

漢故高君諱直字文玉

右高直闕九字今在蜀中字畫甚不工漢人題墓
有云神道者有云墓道者有云闕者惟高頤及高
直但書姓名字爾

處士金恭闕

處士金恭字子下缺一字

右處士金恭闕子下一字惟存一筆以墓碣及金
廣延母碑參之知其字子肅也此石圭首甚銳其

上刻三足鳥其次橫刻此數字其下有一人執扇
而乘馬兩旁有螭銜環近歲出於雲安軍土中

金恭碑

金君缺一字碑

生諱恭字子肅年廿二束脩聰缺一字年六月十一日

侵疾絕命身缺一字妻缺一字往缺一字溺救缺一字武缺一字嘉缺一字

字人缺一字年方弱冠孫缺一字攻缺一字何不缺一字夙茂缺一字

字道而缺一字成家缺一字姑缺一字之道缺一字粉缺一字心

缺意薦永缺一字不改其樂缺一字率缺一字松缺一字不矜缺一字

字為其宅地

右金恭碑其石剝缺殘章少有可句者金掾季本即其父也二弟曰廣延曰雍直其母徐氏有紀些言產碑

韋氏神道

串氏神道

右韋氏神道石文中斷似若韋字爾

張賓公妻穿中二柱文

維兮本造此竇者張賓公妻子偉伯伯妻孫陵在此

右方曲內中

維兮張偉伯子長仲以建初二年六月十二日與少子紂元俱下世長子元益為之祖父竇中造內栖柱佗崖棺葬父及弟紂元

右張氏穿中記土本張賓公之妻之穴也其子偉伯及偉伯妻與其孫陵皆祔葬右方曲內中故志之其一則偉伯之孫元益葬其父長仲并弟叔元所志也維兮猶烏呼之類其間云建初二年則章古而拙在會稽都尉路君闕之後人

闕之前二十八年亦埋銘之椎輪

眉州李治中云武陽城東彭亡山之巔耕夫斲地
有聲尋罅入焉石窟如屋大中立兩崖崖柱左右
各分二室左方有破瓦棺入泥中右方三崖棺泥
穢充仞執燭視之得題識三所一在門旁為土所
蝕塵存其上十許字穿中沙石不堅數日間觀者
揩摩悉皆漫滅其二在兩柱前稍高故可拓時紹
興丁丑年也上距建初丁丑千八十有一年

隸釋卷第十三

隸釋卷第十四

石經尚書殘碑

石經魯詩殘碑

石經儀禮殘碑

石經公羊殘碑

石經論語殘碑

學師宋恩等題名

石經尚書殘碑

命孔本作身何及相缺散孔作儉言白人維舊求孔舊上有下缺

二字殺孔作求舊下有志女毋翁侮成人毋流孔作汝無侮老成人

無弱下各共爾事齊乃位度爾孔作乃口下民之承保

后音高孔作感鮮以不浮下缺試以爾孔作汝遷安定厥

國孔作邦今無孔女不下缺其或迪孔作稽自怨孔作怒永

誕孔作勸憂今其有今罔後女何下缺之勞爾先予不

下缺于茲高后不乃知崇孔作降開疾白下缺能迪古

我先后下缺民女有近戕孔作則左乃心我先后綏下缺

興降不永於戲弗祥呼崇降今予下缺絕遠女比猶孔

分獸念以相從各翕孔作中下缺建乃家殷孔作盤缺一字

既下缺眾白女罔台民孔作無勛孔作懋建大命今我

孔作子凶德綏孔作績下缺今無孔爾惠謂朕缺桓

震孔作動萬民以遷肆上下缺乘孔作隱哉子其勛孔作懋

簡相爾念敬我眾朕不已上盤庚三篇

民中絕命民有不若德不聽聞天既寸孔作孚已上高宗彤日篇

厥遺任孔作王父母弟不迪乃維四方下缺不疇于四

伐五伐六伐七伐乃已上牧誓篇

伊無孔鴻孔作洪水白孔作泊陳其王行帝下缺白建用皇

極次六白艾孔作用三德下缺潤下佗鹹炎上佗苦

曲直佗下缺食二白偵三白祀四白司空下缺極凡

厥庶民無有涇罔人無有下缺明人之有能有為使

羞其行而下缺路毋偏毋黨王道蕩蕩毋黨下缺為

天下王三德孔三上一一白正直二下缺家而無孔凶于

而國人用缺頗辟孔作僻乃心諫及卿缺諫及庶民

孔作人已上洪範篇

維天命元孔元作朕不敢有下缺聞時維天命王曰

告爾孔無多下缺茲維孔作予維四方罔攸責亦維

爾下缺有年于茲維爾小子乃興從爾遷王已上多

否穡則侮厥下缺中宗嚴恭寅畏天命自亮孔作民

祗懼下缺或怨肆高宗之饗國百年孔作享國五年自

時厥後下缺功田功激采懿共懷保小人孔作惠于

矜孔作鮮鰥酒孔作毋劫孔作于遊田維缺共孔作

于觀于逸于遊于田以萬民惟正之供毋兄孔作白今日下缺厥不聖

聽孔作人乃訓變孔變上有之乃亂正刑孔正上有至于下缺

則兄白孔作皇自敬德厥孔作白朕之孔作允下缺公白於戲

嗣王臨于茲孔監上有其已上無逸篇

道孔作出于不詳於戲君缺白時我已上君奭篇

我則致天之已上多方篇

常伯常任辟孔作亂孔作謀面用下缺于厥邑其在

常伯常任辟孔作亂孔作謀面用下缺于厥邑其在

常伯常任辟孔作亂孔作謀面用下缺于厥邑其在

常伯常任辟孔作亂孔作謀面用下缺于厥邑其在

常伯常任辟孔作亂孔作謀面用下缺于厥邑其在

下缺有會孔作俊心以敬事下缺王維厥孔厥上度孔作

宅心乃下缺受茲孔作此卒卒其孔作基於戲下缺旦以

前孔作已受人之微孔作微言下缺訓德孔德上是罔顯哉

孔作厥世下缺王之鮮孔作耿光以揚武王已上立政篇

几乃缺召大保下缺通孔作達殷就孔作集大命在下缺

非幾茲即孔作既黼衣孔作衣已上顧命篇

右石經尚書殘碑盤庚篇百七十二字高宗彤日
篇十五字牧誓篇二十四字洪範篇百八字多士
篇四十四字無逸篇百三字君奭篇十一字多方

篇五字立政篇五十六字顧命篇十七字合五百
四十七字熹平四年議即蔡邕所書者漢儒傳伏
生尚書有歐陽大小夏侯之學孔安國尚書漢人
雖有為之訓傳者然不立於學官永嘉之亂三家
之書並亡故孔氏傳獨行以其書校之石本多十
字少二十一字不同者五十五字借用者八字鴻
艾劫猶之類是也通用者十一字於戲毋女之類
是也孔氏叙商三宗以年多少為先後此碑獨闕
祖甲計其字蓋在中宗之上以傳序為次也但云

高宗饗國百年異爾范史云蔡邕以俗儒穿鑿經籍疑誤後學與堂谿典馬日磾等奏求正定六經文字時博士試甲乙科爭第高下至有行賂改蘭臺漆書經字者靈帝乃從諸儒之請刊石立之太學天下咸取則焉碑高一丈廣四尺陸機洛陽記云碑凡四十六書易公羊二十八碑其十二毀論語三碑其二毀禮記十五碑皆毀北齊徙之鄴都至河陽岸頽半没于水隋復載入長安有易一卷書六卷魯詩六卷儀禮九卷春秋一卷公羊九卷論

語一卷未及補治而亂作營繕者至用為柱礎唐初魏鄭公收聚之十不存一則石經之散亡久矣本朝一統時遺經斷石藏於好事之家猶崑山片玉已不多見今京華鞠為瓊蕪之鄉殘碑日益鮮矣予既集隸釋因以所有鑿之會稽蓬萊閣勛音慙勉也勛亦逸字

石經魯詩殘碑

惟毛作維是福心是以為刺 葛屨下缺汾一曲言采其 蕢彼其之子美下缺之誰知缺一字毛之蓋亦勿思

園有棘其實之下缺父子父缺一字曰嗟予子行役夙

夜毋無毛作已尚上毛作慎下缺哉猶來毋死 陟岵三章

章六句 十下缺子毛作不稼不穡毛作胡取禾三百

廛子不狩不下缺特子彼君子子不素食子 欲毛作

坎 伐輪子下缺毋食我黍三歲宦毛作女莫我甯顧逝

將去女缺宦女莫我甯勞缺將去女適彼樂郊樂郊

下缺蟋蟀在堂歲聿其逝今我不樂日月其下缺句 山

有蔭毛作隰有榆子有衣裳弗曳下缺酒食胡毛作不

日鼓瑟且以喜樂下缺既見君子云胡其憂 楊下缺

右石經魯詩殘碑百七十三字魏唐國風數篇之

文也與毛詩異者如猗作兮貫作宦樞作蔭數字

又有一段二十餘字零落不成文惟有叔于田一

章及女曰雞八字可讀其間有齊韓字蓋叙二家

異同之說猶公羊碑所云顏氏論語碑所云盍毛

包周之比也漢代詩分為四在東京時毛氏詩不

立學官隋志有石經魯詩六卷此碑既論齊韓於

後則知隋志為然也

石經儀禮殘碑

東面主人下缺卒爵坐奠爵拜執下缺人盥洗升媵

觚于賓下缺上拜受爵于筵前下缺首公荅拜媵爵

者立下缺媵爵者執觶待于下缺公坐取大

右石經儀禮殘碑四十五字皆大射儀之文也石

摩滅字畫比它經不明白靈帝紀云詔諸儒正五

經文字刻石立于太學蔡邕傳則云奏求正定六

經紀傳既已不同陸機洛陽記所載但有書易公

羊禮記論語爾惟隋志云後漢刻七經於石碑皆

蔡邕所書其目有一字石經儀禮九卷乃漢史陸

記之踈略也未央宮有曲臺殿天子射宮也西京

無太學於此行禮故后蒼著書說禮數萬言名曰

曲臺記今禁中有選德殿盖便坐觀射之地而清

閒之燕咨訪治道率在於是殆與曲臺暗合古者

射為六藝之一儀禮一經說射者兩篇後世非介

冑之士則不習與古殊矣媵觚媵爵云者媵盖送

也

石經公羊殘碑

翬者何公子翬字缺何以不稱公下缺栢於是謂栢

白吾為

字缺三

矣隱曰

下缺

之之辭也然則孰立之石

字缺二

之石踏

板本作踏

立

下缺美大之之辭也棠者何濟

字之邑也曷為

下缺

仲子

板本有也字

栢未君則曷為祭

仲子字缺一為栢立故

下缺

諸侯四諸公者何諸

字缺一

者何天子三公稱

下缺

相處乎內始

字缺一

諸公放

作昉於此乎前此矣前

下缺

其成也白吾成敗矣吾與

鄭人未有成

板本有也字

吾

下缺

後為平外取邑不書此

何以書久也

下缺

弟母兄稱兄凡

字缺一

之大夫也此

下缺之邑也天子有

字缺一

諸侯皆從泰山

下缺

而葬不日

卒赴而

字缺一

不告公曷為與微者

下缺

大夫之未命

者也

十年此公子翬也何

下缺

外於外大惡書小

惡不書於內大惡諱小

下缺

國也何以不書葬隱之

也何隱爾試

板本作弒

也試

下缺

葬

板本有為字

不繫

缺一

匡

子

字缺一

薨何以不地不忍言

已上隱公

何易之也易之則其

下缺

諱取周田也諱取

已上威公

十有四平何以

字缺一

記異也何異

下缺

則至無王者

則不至有以告者曰有虜而

下缺

乎隱祖之所還

板本

逮聞

字缺一

所見異辭所聞異辭所

下缺

不亦樂乎堯

舜字缺君子也制春秋之義以已上哀公

有傳桓公二年顏氏有所見異辭所聞異下缺何

以書記災也世年顏氏言君出則已入下缺顏氏

無伐而不言圍者非取邑之辭也下缺

谿典諫議大夫臣馬日磾臣趙域議郎臣字缺臣劉

弘郎中臣張文臣蘇陵臣傅楨雜

右石經公羊殘碑三百七十五字自隱公四年至

威公元年及哀公十四年之文也所書者皆是公

羊氏傳辭而無春秋正經又有顏氏說石文斷續

不可考繹蓋嚴顏異同之辨也以今板本校之惟

易四字省四字爾漢注引陸機洛陽記云禮記碑

上有馬日磾蔡邕名今此碑有堂谿典八人姓名

論語碑亦有左立二人姓名陸氏所記未之詳也

石經論語殘碑

鮮矣不好犯上而好佞下缺本本立字缺道生孝下缺

曰道千乘之國敬事下缺使民以時子曰弟子下缺

而有信雖曰未學吾必謂下缺君子不重則不威學

則下缺與意板本子之與子板本曰夫子字缺以

得之夫子之求之也下缺道斯為美小大由之有所

不行知字缺五禮節之亦不板本有行下缺焉可謂好

學已矣下板本作也已而無諂富而無驕下缺告諸注

而知來下缺人之不下缺章已上學而篇

免而無恥道之以德齊之下缺乎板本作于學世下缺孫問孝

於我我對曰毋違樊遲字缺一何下缺曰生下缺葬之以禮

祭下缺以別 子夏問孝子曰色難有下缺勞有下缺孝下缺

廋哉人焉廋板本有哉字子曰溫故而知下缺子下缺器子

贛問下缺乎異端斯害也已 子曰下缺子曰何為則

民服孔子對曰下缺之下缺子曰書云孝于板本作乎惟孝友

于兄下缺也周因於殷禮所損益可知下缺已上為政篇

曰人而不仁如禮何人而不仁如樂何 林一字十與

下缺與對曰不能子曰字缺一山不如林放字缺一也射

下缺曰起予板本有者字商也始可下缺子曰下缺殷禮

吾下缺也知其說字缺一天下也其字缺一示諸斯乎下缺

如神在下缺於二代郁郁乎下缺大廟下缺子知禮

下缺禮下缺也下缺以柏周人以栗曰使民下缺往

下缺門國板本作邦君為兩君之好有反字缺一管氏下缺

知禮下缺吾未嘗不得見也沒者字缺二出曰下缺無

道也久下缺觀之哉凡廿六章已上八佾篇

人子曰苟志於仁矣無惡板本有也字子曰富與貴

是人之所欲也下缺顛沛必於是字缺二未見好

仁板本有者字惡不仁者好仁者無以尚之下缺過也各

於其黨字缺二斯知仁矣子曰朝聞道夕死可也板本

作矣子曰懷荆小人懷惠子曰放於利而行多怨

子曰能以禮下缺曰唯子出門人問曰何謂也曾子

曰夫子之道忠恕而已下缺曰父母在不遠遊遊必

有方子曰三年無改於父之下缺已上里仁篇

有三年之愛於字缺一父母板本有乎字子曰飽食終日

無所用心難矣哉下缺君子板本有亦字有惡乎子曰有

板本有惡字惡稱人之惡者惡居下板本有流字而訕上者惡

下缺之則不孫遠之則怨子曰年卅板本有而字見惡

焉其終也已凡廿六章已上陽貨篇

枉道而事人何字缺一去父母之國板本作邦字缺一景公

詩孔子曰若季氏下缺子曰鳳兮鳳兮何而板本無而字

德之衰也板本無也字注字缺二可諫也板本無來者猶可追

也板本無執車板本者為誰子板本子路曰為孔丘

曰是魯孔丘與曰是板本有也是知津矣下缺若從

避板本世之士哉擾板本作不輟子路板本有以

告板本有子憮然曰鳥獸不可與同下缺穀不分孰

為夫子置板本其杖而耘板本子路拱而缺一止子

路宿殺雞下缺禮板本如之何其廢之也板本欲絜

其身而亂大倫君子之仕也行其義下缺志辱身矣

言中倫行中慮其斯以乎板本作謂虞仲夷佚板本

隱居下缺少下缺陽擊磬襄入于海 周公謂魯公曰

君子不施其親下缺已上微子篇

交於子張子缺一曰子夏缺一何對曰子夏曰可者

缺四者距板本作子夏曰雖缺一觀者焉致遠恐泥

是以下缺其事君子學下缺子夏曰小人之過下缺曰下缺子

夏曰大德缺一出入可也 子游板本作子下缺君

子之道焉可缺一有缺一有卒者其唯聖人下缺仕而

下缺曾子曰吾聞諸板本有子人未有自致也者板本

也必也親喪乎缺一子曰下缺如得其情則哀矜而勿

喜子贛曰紂之缺一善缺一是其板本作贛曰仲尼

焉學子贛曰文武之道未墜板本於地在人賢者志

板本其下告子贛字贛曰辟諸板本宮牆板本賜作

之牆字二字窺見室家之好夫下尼不可毀字二人之

賢者企陵也字三字踰也仲尼日月也下一言以為不

知言不可不慎也夫子之不可及也猶天之下張篇

不蔽簡在帝心朕躬有闕毋板本以萬方萬方有一

字板本有兩罪字 在朕躬下歸心焉所重民食喪字一寬

則得衆敏則有功字一則說下不驕威而不猛子

字一 曰何謂惠而不費子曰字一民之下尊其瞻

視儼字三 而畏之斯不亦威而不猛乎下堯曰篇

凡廿篇萬五千七百一字一字

賈板本諸賈之哉包周字四 蓋肆乎其肆也字一

周下曰言字一 而在於蕭牆之內盍毛包周無於下

詔書與博士臣左立即中臣孫表

工陳興刻

右石經論語殘碑九百七十有一字前四篇後四

篇之文也每篇必計其章終篇又總其字又載盍

毛包周有無不同之說以今所行板本校之亦不

至甚異其文有增損者其字亦有假借及用古者有字異而訓不遠若置其杖賈之哉者漢人作文不避國諱威宗諱志順帝諱保石經皆臨文不易樊毅碑命守斯邦劉熊碑來臻我邦之類未嘗為高帝諱也此碑邦君為兩君之好何必去父母之邦尚書安定厥邦皆書邦作國疑漢儒所傳如此非獨遠避此諱也水經云光和六年立石於太學其上悉刻蔡邕名魏正始中又刻古篆隸三字石經蓋諸儒受詔在熹平而碑成則光和年也隋志

有一字石經七種三字石經三種其論云漢鑄七經皆蔡邕書又云魏立一字石經其說自相矛盾新舊唐志有今字石經七種而注論語云蔡邕作又有三字石經古篆兩種蓋唐史以隸為今字也觀遺經字畫之妙非蔡中郎輩不能為以黃初後來碑刻比之相去不啻霄壤豈魏人筆力可到當以水經為據三體者乃魏人所刻儒林傳云為古文篆隸三體者非也史稱邕自書丹使工鑄刻今所存諸經字體各不同雖邕能分善隸兼備眾體

但文字之多恐非一人可辨史云邕與堂谿典楊賜馬日磾張訓韓說單颺等正定諸經今公羊論語之後惟堂谿日磾二人姓名尚存別有趙陔劉弘張文蘇陵傅楨左立孫表數人竊意其間必有同時揮毫者予詳玩遺字公羊詩書儀禮又在論語上劉寬碑陰王曜題名則公羊詩書之雁行也黃初孔廟碑則論語之苗裔也識者當能別之

學師宋恩等題名

師宋恩元遂師王忠仲舜師郭翔季安師張澤君潤

師楊淮世期師張仁邵游師李衡德仁師羅僵德達

師郤達賓高師程旻孟興師直進方師王朝卿

師邵一字又子河師榮寵定缺師戴龍缺高師宋缺仲下

缺二人史杜楊缺表師景遷孝通師張柳缺卿師杜

缺二方師衡翔仲卿史缺通缺二孝義掾王山缺二

業掾缺世缺二易掾缺四易掾胡缺三易師張缺元

缺易師求缺進缺易師缺二孝缺尚書掾呂缺三尚

書掾缺四尚書掾缺四尚書師張缺二尚書師楊缺三

字尚書師司馬缺四詩掾楊缺三詩掾張缺四掾趙

揆道明缺掾王興紀缺春秋掾常寵缺議掾劉豸

字缺二文學孝掾周治元經文學掾猶玉子朝文學師

胡通禮達文學師上官震彦照文學師王純季堅文

學師程順元呆從掾位柳魯字缺四趙下缺三字中缺

掾瞿缺伯中鄉賊捕李字缺八伯德字缺六元下缺四人

張涉缺晉字缺二替却馬陵孟字缺三替却字缺三子下缺

又缺二人集曹史字缺四法曹史舒邠彦万賊曹史字缺二盛

紂陽辭曹史趙漢伯彦穀曹史張儀紂字缺二曹史張

詡孝舉全曹史羅圃子高穀曹史趙缺光節比曹史

田字缺二彦兵曹史缺苞茂思水曹史楊輝子禮全曹

史字缺二彦字缺二曹史字缺二伯齊缺曹史字缺一豸郭戶

曹史字缺五曹掾趙缺季信缺曹掾張字缺四曹掾字缺三

申功曹史顏孝紂字缺三常洽盛字缺五紀明字缺二掾壽

缺孟起字缺五明後缺二人

石學師宋恩等題名今在成都周公禮殿門之西

序蜀人謂之學師題名其稱師者二十人史二人

孝義掾業掾各一人易掾二人易師三人尚書掾

尚書師各三人詩掾四人春秋掾議掾文學孝掾

文學掾各一人文學師四人從掾位及集曹法曹
 賊曹辭曹史又三十二人其漫滅不可辨者十三
 人漢永平中嘗為四姓小侯立學置五經師此則
 蜀郡諸生也當是郡守興崇學校者鑄石紀德諸
 生既刻姓名而諸曹史亦綴其末惜亡其碑不可
 考爾成都又有左右生題名一巨碑蓋左學右學
 諸生也其間江陽寧蜀晉原遂寧乃蜀晉所置郡
 歐陽公以為漢文翁學生題名非也

達即達字

隸釋卷第十四

寬政戊午

